



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-3588/09
Sarajevo, 14.1.2010. godine

PARLAMENTARNA SKUPŠTINA BiH

- Zastupnički dom -

SARAJEVO

01-
14.01/10.

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRILAGODIO: 14.01.2010			
Organizaciona jedinica	Klasifikaciona oznaka	Redni broj	Broj priloga
01-50-1-15-63/05			

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 111. sjednici održanoj 13.1.2010. godine, utvrdilo je Odgovor na zastupničko pitanje koje je postavio gosp. Selim Bešlić, zastupnik u Zastupničkom domu Parlamentarne skupštine Bosne i Hercegovine.

U pritvku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-3588/09
Sarajevo, 13.1.2010. godine

SELIM BEŠLAGIĆ, poslanik u Predstavničkom domu Parlamentarne skupštine Bosne i Hercegovine, na 63. sjednici ovog doma, održanoj 04. novembra 2009. godine, je postavio sljedeće poslaničko pitanje:

- 1. " Koje se sve domaće institucije uključuju u proceduru kada u našu zemlju stigne Interpolova „crvena“ potjernica?**
- 2. Da li te procedure podrazumijevaju neku vrstu saglasnosti domaćih institucija i kojih, prije nego se počne postupati po njima?**
- 3. U konkretnom slučaju, ako su te saglasnosti zaista potrebne, interesuje me kako je tekla procedura realizacije Interpolovih potjernica u slučaju četvorice Tuzlaka među kojima sam i ja, kada smo uhapšeni i privedeni eksradicionom sudiji Suda BiH?**

Na postavljeno pitanje, na osnovu odgovora Ureda za saradnju sa Interpolom BiH, Vijeće ministara Bosne i Hercegovine je na 111. sjednici održanoj 13.1.2010. godine, utvrdilo sljedeći

ODGOVOR

Aktom veze zatraženo je od našeg Ureda da se dostave odgovori na poslaničko pitanje g. Selima Bešlagića, poslanika u Predstavničkom domu Parlamentarne skupštine Bosne i Hercegovine, postavljeno na 63. sjednici ovog doma, održanoj 04.11.2009. godine, a odnosi se na dostavljanje određenih informacija u vezi raspisivanja Interpolovih međunarodnih potjernica.

Prije nego dostavimo tražene odgovore, željeli bismo Vas ukratko izvijestiti o svim radnjama koje je naš Ured preduzeo po pitanju predmetnog slučaja g. Selima Bešlagića i međunarodnih potjernica raspisanih od strane NCB Interpola Beograd za više državljana Bosne i Hercegovine u slučaju tzv. «Tuzlanska kolona».

Naime, dana 11.06.2007. godine, naš Ured je zaprimio međunarodne difuzne potjernice NCB Interpola Beograd, raspisane protiv: BEŠLAGIĆ Selima, DELIBEGOVIĆ Envera, NIKOLIĆ Budimira i BRKIĆ Muhameda u cilju hapšenja i ekstradicije u Republiku Srbiju. Navedene potjernice NCB Interpol Beograd je dostavio svim zemljama članicama Interpola, na posebnu pažnju Interpola Sarajevo, te za informaciju Generalnom sekretarijatu Interpola.

Naš Ured je u redovnoj proceduri, u vidu prijedloga za raspisivanje potjernice, iste dostavio nadležnim policijskim organima u BiH, Graničnoj policiji BiH, Federalnom ministarstvu unutrašnjih poslova, Ministarstvu unutrašnjih poslova Republike Srpske i Policiji Brčko Distrikta, na dalje postupanje.

Nakon što nas je Sud Bosne i Hercegovine, dana 14.07.2007. godine, obavijestio da su ovlaštena službena lica sprovela nadležnom sudiji Suda BiH g. Bešlića, i da je utvrđeno da se radi o državljaninu Bosne i Hercegovine, naš Ured je odmah zatražio od gore navedenih policijskih službi u BiH da se međunarodna potjernica protiv g. Bešlića Selima stavi van snage na teritoriji naše zemlje i o tome obavijestio NCB Interpol Beograd. Isto je učinjeno i sa međunarodnim potjernicama za ostalim licima iz ovog slučaja.

Slijedom navedenog, obavještavamo Vas da je pitanje lišenja slobode g. Selima Bešlića i drugih, na osnovu Interpolove potjernice, bilo uvršteno i u dnevni red 11. i 12. sjednice Predstavničkog doma Parlamentarne skupštine, održanih 21.06., odnosno 04.07.2007. godine, na kojima je učestvovao i naš tadašnji direktor, g. Brane Pećanac.

Želimo takođe navesti da smo, na zahtjev Ministarstva pravde Bosne i Hercegovine, od srbijanskih vlasti zatražili izjašnjenje u pogledu ustupanja krivičnog gonjenja u predmetnom slučaju pravosudnim organima u Bosni i Hercegovini, ali od NCB Interpol Beograd nismo dobili nikakav odgovor, te smo smatrali da će se ovaj slučaj riješiti kroz instituciju bilateralnih sporazuma potpisanih između dvije države i kanalima predviđenim u tu svrhu, što nije bio slučaj, te smo, u junu mjesecu 2009. godine, zatražili od Generalnog sekretarijata Interpola reviziju spornih međunarodnih potjernica NCB Interpola Beograd u predmetnom slučaju; međutim, nismo dobili pozitivan odgovor.

Na kraju, u odgovoru na poslaničko pitanje navodimo da naš Ured, po zaprimanju međunarodne potjernice, istu na dalje postupanje dostavlja gore navedenim policijskim službama u Bosni i Hercegovine koje vrše dalje raspisivanje potjernice na teritoriji Bosne i Hercegovine, tako da nije potrebna saglasnost domaćih institucija prije nego se počne postupati po njima. Samim pristupanjem članstvu INTERPOL-a, naša zemlja je u obavezi postupati u skladu sa Statutom Interpola i razmjenjivati informacije u svrhu međunarodne policijske saradnje unutar mreže zemalja-članica, a sve u okvirima domaćeg zakonodavstva i u duhu «Univerzalne deklaracije o ljudskim pravima».

Želimo takođe da istaknemo da, s obzirom da je Zakon o pružanju međunarodne pravne pomoći u krivičnim stvarima usvojen tek ove godine, tačnije 07.07.2009. godine, Službeni glasnik br. 53/09, a istim je regulisano pitanje postupanja po međunarodnim potjernicama u slučajevima domaćih državljana (član 40.), naš Ured će, prije dostavljanja potjernica na dalje postupanje nadležnim policijskim službama u BiH, izvršiti provjeru državljanstva lica uvidom u dostupne nam relevantne baze podataka, a to je za sada baza podataka IDDEEA-e.

U slučaju da je riječ o državljaninu Bosne i Hercegovine, u skladu sa članom 40. navedenog Zakona, NCB Interpol Sarajevo će obavijestiti Interpol države koja je raspisala potjernicu o nemogućnosti izručenja vlastitih državljana, a o postojanju međunarodne potjernice naš Ured će obavijestiti Ministarstvo pravde Bosne i Hercegovine.

U prilogu akta dostavljamo Vam i kopiju Informacije koju je naš Ured dostavio Predstavničkom domu Parlamentarne skupštine povodom predmetnog slučaja koji je bio tema navedenih sjednica ovog Doma.



Naš broj: 16-1-50-IP-SL-140/07

Datum: 20.06.2007. godine

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM
N/r predsjedavajućeg predstavničkog doma

PREDMET: BEŠLAGIĆ Selim i drugi, informacija, dostavlja se.-

VEZA: Vaš broj 01-50-1-15-11/07 od 18.06.2007. godine

Shodno Vašoj obavijesti o sazivanju 11. sjednice Predstavničkog doma Parlamentarne skupštine vezano za tačku dnevnog reda: «Rasprava o slučaju nezakonitog hapšenja poslanika SDP BiH u Predstavničkom domu Parlamentarne skupštine Bosne i Hercegovine, Selima Bešlagića, te gospodina Budimira Nikolića i Envera Delibegovića», u nastavku Vam dostavljamo sljedeću informaciju:

Dana 11.06.2007. godine naš ured je zaprimio međunarodnu difuznu potjernicu NCB Interpola Beograd, raspisanu protiv g-dina BESLAGIC Selima, rođenog 23.02.1942. godine u Tuzli, u cilju hapšenja i ekstradicije u Republiku Srbiju. Navedenu potjernicu NCB Interpol Beograd je dostavio svim zemljama-članicama Interpola, na posebnu pažnju Interpola Sarajevo, te za informaciju Generalnom sekretarijatu Interpola.

Naš ured je u vidu prijedloga za raspisivanje potjernice dostavio navedenu potjernicu domaćim policijskim organima, tj. MUP-u F BiH, MUP-u RS, Policiji Brčko Distrikta, te Graničnoj policiji BiH, dana 12.06.2007. godine.

Prema sadržaju navedene potjernice, Naredbom Okružnog suda u Beogradu broj Ki.V.3/2004 od 27.10.2006. godine, imenovani se traži radi okončanja krivičnog postupka zbog postojanja osnovane sumnje da je počinio krivično djelo «KORIŠTENJE ZABRANJENIH SREDSTAVA RATOVANJA» iz člana 148. stav 2. u vezi sa stavom 1. Krivičnog zakona Jugoslavije.

Dana 14.06.2007. godine, od strane Suda Bosne i Hercegovine zaprimili smo obavijest u kojoj se navodi da su ovlaštena službena lica MUP-a F BiH i MUP-a Tuzlanskog kantona Tuzla, lišili slobode Bešlagić Selima i istog sproveli nadležnom sudiji Suda Bosne i Hercegovine.

Nakon saslušanja potraživanog, sudija za prethodni postupak nije odredio pritvor prema licu s obzirom da se radi o državljaninu Bosne i Hercegovine, te je zatražio da se međunarodna potjernica protiv Bešlagić Selima stavi van snage na teritoriji Bosne i Hercegovine.

O naprijed navedenom obavijestili smo NCB Interpol Beograd (14.06.2007. g), kao i nadležne policijske organe u našoj zemlji (MUPRS, FMUP, PDB, GPBiH) u cilju obustavljanja navedne potjernice na teritoriji BiH.

Pored gore pomenutog lica, NCB Interpol Beograd je raspisao difuzne potjernice za još tri lica, a to su Delibegović Enver, Nikolić Budimir i Brkić Muhamed, koji su takođe traženi na osnovu naredbe Sarajevo, Trg Bosne i Hercegovine 1; Tel: ++ 387 33 250 060; Fax: ++387 33 668 036

Okružnog suda u Beogradu istog broja i datuma, zbog osnovane sumnje da su počinili gore navedeno krivično djelo.

Delibegović Enver i Nikolić Budimir su takođe 14.06.2007. godine, od strane ovlašćenih lica MUP-a F BiH i MUP-a tuzlanskog kantona lišeni slobode i privedeni nadležnom sudiji Suda BiH, koji nije odredio pritvor iz razloga što se radi o državljanima Bosne i Hercegovine, o čemu smo takođe obavijestili NCB Interpolu Beograd, kao i naše nadležne policijske organe radi obustave potjernica za ovim licima na teritoriji BiH.

Nadalje, naš ured je dana 19.06.2007. godine od strane Ministarstva pravde Bosne i Hercegovine zaprimio dopis kojim se traži da se, shodno naprijed navedenoj obavijesti Suda Bosne i Hercegovine o lišavanju slobode predmetnih lica i činjenice da su državljani Bosne i Hercegovine, putem Interpolu Beograd zatraži izjašnjenje pravosudnih organa Republike Srbije da li su spremni dostaviti kompletan krivični predmet pravosudnim organima Bosne i Hercegovine radi vođenja postupka u Bosni i Hercegovini protiv gore navedenih lica, o čemu smo obavijestili NCB Interpol Beograd našim aktom od 20.06.2007. godine.

S poštovanjem,

INTERPOL SARAJEVO



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-3588/09
Sarajevo, 22.1.2010. godine

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 22.01.2010			
Organizaciona jedinica	Klasifikacione oznake	Redni broj	Broj priloga
01-50-1-15-63		69	

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 113. sjednici održanoj 21.1.2010. godine, utvrdilo je Odgovor na zastupničko pitanje koje je postavio gosp. Selim Bešlagić, zastupnik u Zastupničkom domu Parlamentarne skupštine Bosne i Hercegovine.

U privitku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK

Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-3588/09
Sarajevo, 21.1.2010. godine

Gospodin Selim Bešlić, poslanik u Predstavničkom domu Parlamentarne skupštine Bosne i Hercegovine, na 63. sjednici Predstavničkog doma Parlamentarne skupštine Bosne i Hercegovine, održanoj 04. novembra 2009. godine, postavio je slijedeće poslaničko pitanje:

„Zbog čijih opstrukcija Odbor JRT sistema BiH probija zakonske rokove za usvajanje Statuta Korporacije javnih RTV servisa Bosne i Hercegovine? Tražim da Vijeće ministara BiH, zajedno sa drugim nadležnim institucijama, odgovori na razloge probijanja ovih zakonskih rokova.“

Na postavljeno pitanje, Vijeće ministara Bosne i Hercegovine, na 113. sjednici održanoj 21. 1. 2010. godine, utvrdilo je slijedeći

O D G O V O R

na osnovu informacija, dobijenih od Odbora Sistema, JRTS Bosne i Hercegovine.

Proces reforme Sektora javnog emitiranja (BHRT, RTRS, RTFBiH) traje skoro deset godina.

Normativno je započet 1. i 2. odlukom Visokog predstavnika, a nastavljen donošenjem Zakona o JRTS BiH („Službeni glasnik BiH“, broj 78/05 i 35/09), Zakona o JRTV servisu BiH („Službeni glasnik BiH“, broj 92/05), Zakona o JRTV servisu RS („Službeni glasnik RS“, broj 49/06) i Zakona o JRTV servisu FBiH („Službene novine FBiH“, broj 48/08).

Ključni problem je u činjenici da navedeni zakoni nisu donijeti istodobno a oprečna normativna rješenja u najvažnijim pitanjima postojanja i funkcioniranja ovog medijskog sistema su dodatno usložnili proces reforme.

Upravni odbori BHRT i RTRS su imenovani 2006. godine, a Upravni odbor RTFBiH 2009. godine.

Odbor Sistema je konstituisan 11. avgusta 2009. godine i na svim, do sada održanim sjednicama, i kroz različite oblike komisijskog rada, intenzivno radio na izradi Statuta Korporacije.

S obzirom da Zakon o javnom RTV servisu FBiH nije usklađen sa Zakonom o JRTS BiH, nije moguće finalizirati Statut Korporacije.

Odbor Sistema se obratio Parlamentu, Vijeću ministara i Ministarstvu komunikacija i prometa BiH, dopisom broj 4110-28/195 od 23.12.2009. godine u kome su detaljno ukazali na sve normativne nedostatke koji se trebaju otkloniti prije donošenja Statuta Korporacije.

JAVNI RADIOTELEVIZIJSKI SUSTAV BIH
ODBOR JRTS BIH

23.12.2009

01/02 02-1 110-22/09
(02) 14

Sarajevo, 23.12.2009.godine

Broj: 4110 28/195

PARLAMENT BOSNE I HERCEGOVINE

Gosp. Ilija FILIPOVIĆ, predsjedatelj Doma naroda

Gosp. Miodrag ŽIVKOVIĆ, predsjedavajući Zastupničkog doma

VIJEĆE MINISTARA BOSNE I HERCEGOVINE

N/r Predsjedavajući Vijeća, Gosp. Nikola ŠPIRIĆ

Ministarstvo komunikacija i prometa BiH

N/r Ministar, Gosp. Rudo VIDOVIĆ

Poštovani,

Odbor Javnog RTV Sistema BiH od konstituiranja intenzivno radi na uspostavi Korporacije javnih RTV servisa u BiH.

U ostvarenju tog cilja je nužno donijeti Statut Korporacije javnih RTV servisa BiH, ali se zbog neusklađenosti zakonske regulativne u ovoj oblasti razlikuju pogledi upravnih odbora pojedinih emitera. Stoga Vam dostavljamo opis spornih točaka u važećim zakonima kako bi se uočene zakonske nejasnoće otklonile i intenzivirao proces implementacije Zakona o Javnom RTV Sistemu BiH.

S poštovanjem,

Predsjedavajuća Odbora JRTS-a BiH,
Prof. dr. sc. Marija Putica

M. Putica

**USUGLAŠAVANJE
ZAKONA JAVNIH SERVISA SA
ZAKONOM O JAVNOM RADIOTELEVIZIJSKOM SUSTAVU
BOSNE I HERCEGOVINE
(s obrazloženjima)**

1. Članci 4., 6. i 13. Zakona o Javnom radiotelevizijskom sustavu BiH (JRTS BiH) međusobno su kontradiktorni s jedne strane a s druge, navedene orednice Zakona nisu sinkronizirane, pa niti komplementarne s odredbama u zakonima o BHRT-u i o enitetskim emiterima.

U Zakonu o BHRT-u, u članku 14. kaže se da „*Korporacija, u skladu sa Zakonom Sistema, upravlja prostornim, proizvodnim i tehničkim kapacitetima BHRT-a.*

Slično se precizira i u čl. 19. istog zakona („*Korporacija upravlja imovinom u skladu sa Zakonom Sistema*“).

Identična odrednica stoji u Zakonu o RTV FBiH (čl. 17.) u kojem se definira imovina ovog emitera: *Korporacija javnih servisa BiH upravlja imovinom u skladu sa Zakonom o Radiotelevizijskom sistemu BiH.*

I Zakon o RT RS-u sadrži potpuno istu formulaciju (Čl. 23, st. 2.: „*Korporacija javnih RTV servisa upravlja prostornim, proizvodnim i tehničkim kapacitetima RTRS, u skladu sa Zakonom o Javnom RTV sistemu.*“), koja je, jednom amandamanskom intervencijom Vlade RS-a, na zasjedanju Narodne skupštine RS-a od 24.09.2009. godine, izmijenjena u smislu da RTRS prije ustupanja prava upravljanja imovinom drugim subjektima mora dobiti suglasnost Narodne skupštine.

2. Članak 15., točka n. Zakona, gdje se kaže da *predsjednik odbora JRTS-a BiH i direktor Korporacije* ne mogu biti iz istog konstitutivnog naroda, praktično je neprimjenjiva i zbog različite dužine mandata (mandat članova odbora traje 4 a generalnog direktora Korporacije 5 godina) i zbog već započete jednogodišnje rotacije predsjedavajućih u upravnim odborima javnih servisa (nakon trogodišnjih mandata prvih predsjedavajućih u javnim servisima).

Uz to, postoje i mišljenja u okviru Odbora JRTS-a BiH da takav članak nije ni potreban - ako nije i diskriminatorski - između ostalog i zbog toga što slične odrednice ne postoje u zakonima o javnim RTV-servisima.

3. Važeći Zakon nije precizirao *uvjete prestanka rada Korporacije*, uključujući i pitanje raspodjele imovine koju Korporacija stekne tijekom svog postojanja, a što je definirano u svakom od tri važeća zakona o javnim emiterima- članicama JRTS BiH (čl. 34. Zakona o BHRT-u, čl. 64. Zakona o RTVFBiH i čl. 54. Zakona o RT RS).

4. Budući da se još od trenutka stupanja na snagu Zakona o JRTS-u BiH (XII/2005.), zbog različitih tumačenja (a i zbog nedpodudarne formulacije u Zakonu o RTVFBiH) ne primjenjuje dijelovi članka 23. Zakona (alineje od 2. do 6.) a koji se odnose na raspodjelu prihoda ostvarenog na nivou JRTS-a od marketinškog oglašavanja po formuli: 50% za BHRT i po 25% RTVFBiH i RTRS, nužna je intervencija zakonodavca u svezi s ovim pitanjem.

Naime, u tome članku stoji:

.....“(2) Ukupan netodohodak od prodaje marketinškog oglašavanja također se uplaćuje na jidnstven račun.

.....

(4) RTVFBiH pripada 25% neto prihoda od marketinškog oglašavanja i 25% od ukupnog iznosa RTV takse naplaćene na teritoriju BiH.

(5) RTRS pripada 25% neto prihoda od marketinškog oglašavanja i 25% od ukupnog iznosa RTV takse naplaćene na teritoriju BiH.

(6) BHRT pripada 50% neto prihoda od marketinškog oglašavanja i 50% od ukupnog iznosa RTV takse naplaćene na teritoriju BiH.”

Zakon o BHRT i Zakon o RTRS su usuglašeni sa citiranim odredbama Zakona o JRTS BiH u (čl. 23.) dok Zakon o RTVFBiH isto pitanje regulira na drugi način.

U Zakonu o RTVFBiH (čl. 18.) doslovice stoji:

...“(2) Raspodjela prihoda prikupljenih od RTV takse vrši se u skladu sa odredbom čl. 23. Zakona o JRTS BiH.

(3) Prihodi koje RTVFBiH ostvaruje od marketinga primarno se koriste za finansiranje vlastite djelatnosti.”

Odbor JRTS BiH je upoznat od strane UO RTVFBiH da je službeno s razine Federacije BiH pokrenuta inicijativa za izmjenu čl. 23. Zakona o JRTS BiH u dijelu koji se tiče raspodjele prihoda od marketinškog oglašavanja.

Odbor JRTS-a BiH